

Na osnovu člana 16. stav (1) i člana 17. stav (2) Zakona o Vladi Hercegovačko-neretvanskog kantona („Službene novine HNK“, broj: 3/07 i 5/09) i člana 28. stav (6) Zakona o koncesijama Hercegovačko-neretvanskog kantona („Službene novine HNK“, broj: 1/13, 7/16, 6/18, 9/19 i 1/21), na prijedlog Ministarstva privrede, Vlada Hercegovačko-neretvanskog kantona je na 164. žurnoj telefonskoj sjednici, održanoj 28.2.2023.godine, donijela

**O D L U K U**  
**O DODJELI KONCESIJE ZA EKSPLOATACIJU MINERALNE SIROVINE**  
**ARHITEKTONSKO-GRAĐEVINSKOG KAMENA GABRA NA K.Č. 1259/1 K.O. ČEHARI,**  
**OPĆINA JABLANICA**

**I**

Vlada Hercegovačko-neretvanskog kantona kao koncesor, dodjeljuje koncesiju za eksploataciju mineralne sirovine arhitektonsko-građevinskog kamena gabra, koncesionaru privrednom društvu „GRANIT“ d.d. Jablanica - U STEČAJU -.

**II**

Koncesija se dodjeljuje pod uslovom da koncesionar, u roku od 4 mjeseca od dana stupanja na snagu ove Odluke, zaključi ugovor sa strateškim investitorom, kako je navedeno u Stečajnom planu.

**III**

Ukoliko koncesionar ne ispuni uslov iz tačke II ove Odluke u ostavljenom roku, i ne dostavi dokaz Ministarstvu privrede i Vladi HNK, odluka će se smatrati ništavom.

**IV**

Eksploatacija mineralne sirovine arhitektonsko-građevinskog kamena gabra će se obavljati na području Općine Jablanica, na k.č. 1259/1 K.O. Čehari, unutar koordinata:

TAČKA	Y	X
A	6 478 450	4 837 194
K	6 479 134	4 837 400
J	6 479 262	4 837 390
I	6 479 424	4 837 016
H	6 479 532	4 836 966
1	6 479 532	4 837 750
2	6 479 250	4 837 750
3	6 479 250	4 837 925
4	6 479 500	4 838 000
5	6 479 500	4 838 290
D	6 478 790	4 838 350
E	6 478 466	4 838 148
F	6 478 316	4 837 816
G	6 478 255	4 837 550
A	6 478 450	4 837 194

površine 114,35ha.

Koncesionaru se dodjeljuje koncesija za eksploataciju mineralne sirovine arhitektonsko-građevinskog kamena gabra, u ukupnoj količini 45.000 m<sup>3</sup>.

## V

- (1) Koncesija se dodjeljuje na period od 30 (trideset) godina.
- (2) Početkom korištenja koncesije smatrat će se dan konačnosti rješenja kojim se odobrava izvođenje radova po glavnom rudarskom projektu koje će izdati Ministarstvo privrede HNK u skladu s propisima iz oblasti rudarstva.
- (3) Koncesija prestaje istekom tridesete godine od dana početka korištenja koncesije.

## VI

- (1) Prava i obaveze koncesora i koncesionara precizirat će se ugovorom o koncesiji koji će, uz prethodnu saglasnost Vlade i pribavljeno mišljenje Kantonalnog javnog pravobranilaštva, u ime koncesora s koncesionarom potpisati ministar privrede HNK.
- (2) Krajnji rok za potpisivanje ugovora iz stava (1) ove tačke je 60 dana od dana ispunjavanja uslova iz tačke II ove Odluke.
- (3) Eventualne izmjene i dopune ugovora o koncesiji, te raskid ugovora o koncesiji ukoliko za to nastanu zakonski uslovi, vrši se na isti način i postupak kao kod zaključenja ugovora.

## VII

- (1) Jednokratna koncesiona naknada iznosi 429.750,00 KM (slovima: četiristodvadesetdevethiljada sedamstotinapadeset KM).
- (2) U slučaju da se predmet koncesije počne koristiti u 2023. godini, tekuća (godišnja) koncesiona naknada za tu godinu iznosi 24 KM/m<sup>3</sup>.
- (3) Ugovorom o koncesiji propisat će se način i rokovi plaćanja koncesionih naknada iz stava (1) i (2) ove tačke, i to u skladu s odredbama Odluke o načinu utvrđivanja, načinu i rokovima plaćanja koncesione naknade za eksploataciju mineralnih sirovina na području Hercegovačko-neretvanskog kantona („Službene novine HNK”, broj: 2/14).
- (4) Sredstvo osiguranja za izvršavanje obaveza plaćanja koncesionih naknada iz stava (1) i (2) ove tačke, je bezuslovna bankarska garancija za svaku vrstu naknade posebno, i to u vrijednosti iznosa ovih naknada, a ugovorom o koncesiji pobliže će se propisati ova obaveza koncesionara, kao i rokovi za dostavu ovih garancija, te posljedice neizvršavanja obaveze plaćanja ovih naknada.

## VIII

Koncesiona djelatnost obavljat će se na način i pod uslovima propisanim Zakonom o rudarstvu Hercegovačko-neretvanskog kantona („Službene novine HNK”, broj: 7/11, 9/12, 4/16 i 8/19), Zakonom o koncesijama Hercegovačko-neretvanskog kantona i ostalim propisima koji regulišu oblast eksploatacije mineralnih sirovina.

Zakonski propisi i standardi koji regulišu pitanja zaštite okoliša, prostornog planiranja, vodoprivrede, šumarstva i zaštite na radu, su također obavezujući za koncesionara.

## IX

Ugovorom o koncesiji obavezno će se propisati i sljedeće obaveze:

- a) da se koncesionar obavezuje podnijeti zahtjev za izdavanje dozvole za eksploataciju mineralne sirovine nadležnom organu u roku od 30 dana od dana zaključenja ugovora o koncesiji;
- b) da se koncesionar obavezuje prije početka korištenja koncesije, na svoj trošak i na svoj rizik, ishodovati sve dozvole/saglasnosti koje su propisane posebnim zakonima koji regulišu oblast zaštite okoline, vodoprivrede, šumarstva i prostornog planiranja, ukoliko postoje zakonske obaveze i uslovi za to ishodovanje;
- c) da se koncesionar obavezuje da će pri izvođenju rudarskih radova preduzeti mjere potrebne za zaštitu na radu, za zaštitu života i zdravlja građana kao i osiguranja imovine, te da će prema glavnom rudarskom projektu izvršiti sanaciju zemljišta i rekultivaciju devastiranih površina nastalih uslijed rudarskih radova, kao i provesti mjere osiguranja kako bi se trajno isključile opasnosti po život i zdravlje ljudi i imovine i mogući uzročnici zagađenja okoliša, odnosno štete na objektima i okolini;

- d) da će se ugovor o koncesiji raskinuti pod uslovima predviđenim Zakonom o koncesijama, kao i ako koncesionar tri godine za redom iskopa na godišnjem nivou manje od 70% količine sirovine utvrđene planom eksploatacije za tu godinu;
- e) da je za nadzor nad ostvarenjem koncesije nadležno Ministarstvo privrede HNK, ili lice koje ministar privrede HNK ovlasti, kao i Ministarstvo finansija HNK za nadzor nad ispunjenjem finansijskih obaveza;
- f) da se dodijeljena koncesija može prenijeti na drugo pravno lice u skladu sa Zakonom o koncesijama.

#### X

Koncesionar može, putem Ministarstva privrede HNK, u roku od 15 dana od dana prijema ove Odluke, podnijeti zahtjev za preispitivanje Odluke u skladu s članom 29. Zakona o koncesijama Hercegovačko-neretvanskog kantona.

#### XI

Odluka stupa na snagu danom njene konačnosti, a objavit će se u „Službenim novinama Hercegovačko-neretvanskog kantona“.

Bosna i Hercegovina  
Federacija Bosne i Hercegovine  
**HERCEGOVAČKO-NERETVANSKI KANTON**  
**V L A D A**

Broj: 01- 1-02-532 /23  
Mostar, 28.2.2023.godine

